



Informativni bilten Općine Maglaj



S A D R Ž A J

- Zakazana 29. redovna sjednica Općinskog vijeća Maglaj
- Obilježen Dan sjećanja na žrtve genocida u Srebrenici
- Održana 29. redovna sjednica Općinskog vijeća Maglaj
- Održana 10. sjednica Općinskog štaba civilne zaštite Općine Maglaj
- Šef Terenskog ureda OSCE-a Travnik posjetio Općinu Maglaj
- Općinski načelnik Maglaj potpisao tri ugovora sa Federalnim ministarstvom kulture i sporta
- Vlada Zeničko-dobojskog kantona odobrila projekte za unapređenje rada obrazovnih ustanova
- Festivalne večeri 51. „Studentskog ljeta“ planirane 8. i 9. septembra



ZAKAZANA 29. REDOVNA SJEDNICA OPĆINSKOG VIJEĆA MAGLAJ

Dvadeset deveta redovna sjednica Općinskog vijeća Maglaj bit će održana u utorak, 11.07.2023. godine u sali Općinskog vijeća Maglaj sa početkom u 09:00 sati. Predloženi dnevni red sadrži dvije tačke, te vijećnička pitanja i inicijative.

Općinsko vijeće Maglaj bi trebalo razmatrati *Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lersolita na ležištu „Klanci“ KO Strupina, općina Maglaj i Prijedlog Odluke o usvajanju djelimične izmjene Regulacionog plana „BIJELA PLOČA“, po zahtjevu Ćatić Huseina Maglaj.*

OBILJEŽEN DAN SJEĆANJA NA ŽRTVE GENOCIDA U SREBRENICI

U okviru dvadeset devete redovne sjednice Općinskog vijeća Maglaj, obilježen je i Dan sjećanja na žrtve genocida u Srebrenici. Delegacije su položile cvijeće na Centralno spomen-obilježje u Parku Ljiljana i na spomen-obilježje žrtvama genocida u Srebrenici.



Nakon toga upriličen je prigodan program, a prisutnima su se obratili Aida Bašić, dopredsjedavajuća Općinskog vijeća Maglaj, Nedžad Čatić u ime Općine Maglaj i Salih efendija Subašić u ime Medžlisa Islamske zajednice Maglaj.

Svjetlana Zamboni, predsjedavajuća Općinskog vijeća Maglaj i Mirsad Mahmutagić, Općinski načelnik Maglaj danas su prisustvovali obilježavanju 28. godišnjice genocida u Srebrenici i odali počast nevinim žrtvama.



ODRŽANA 29. REDOVNA SJEDNICA OPĆINSKOG VIJEĆA MAGLAJ

Dvadeset deveta redovna sjednica Općinskog vijeća Maglaj održana je 11.07.2023. godine. Prije usvajanja Dnevnog reda, skinuta je tačka Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu „Klanci“ KO Strupina, općina Maglaj, a dodane su dvije nove tačke: Zaključak (o davanju ovlaštenja ispred Općinskog vijeća Maglaj kao osnivača Komunalnog javnog društva doo Maglaj, da potpiše prijavu za

registraciju u postupku promjene lica ovlaštenog za zastupanje Komunalnog javnog društva doo Maglaj kod nadležnog registarskog suda i Zaključak (kojim će se naknada za prisustvo vijećnika 29. redovnoj sjednici Općinskog vijeća Maglaj preusmjeriti za potrebe rada Memorijalnog centra u Srebrenici).

Usvojena je Odluka o usvajanju djelimične izmjene Regulacionog plana „BIJELA PLOČA“, po zahtjevu Čatić Huseina Maglaj. Donosen je Zaključak, kojim se daje

ovlaštenje dopredsjedavajućoj Općinskog vijeća Maglaj da u ime Općinskog vijeća Maglaj, kao osnivača Komunalnog javnog društva doo Maglaj, potpiše Prijavu za registraciju u postupku promjene lica ovlaštenog za zastupanje Komunalnog javnog društva doo Maglaj kod nadležnog registarskog suda, te Zaključak kojim se naknada za prisustvo vijećnika 29. redovnoj sjednici Općinskog vijeća Maglaj preusmjerava za potrebe rada Memorijalnog centra u Srebrenici.



ODRŽANA 10. SJEDNICA OPĆINSKOG ŠTABA CIVILNE ZAŠTITE OPĆINE MAGLAJ

Danas je održana 10. redovna sjednica Općinskog štaba civilne zaštite Općine Maglaj na kojoj je izvršena verifikacija Zapisnika sa 9. redovne sjednice Općinskog štaba civilne zaštite Maglaj, a novi članovi Štaba upoznati sa Pravilnikom o načinu rada i funkcioniranju štabova civilne zaštite. Pravilnik će biti predmet razmatranja na narednoj sjednici Štaba, s obzirom da je donesen na federalnim nivou 2006. godine, kao i podnošenja eventualnih inicijativa za njegovu izmjenu, dopunu ili usvajanje novog, imajući u vidu događaje koji su nastupili nakon 2006. godine poput katastrofalnih poplava, velikih šumskih požara, klizišta, pandemije virusa COVID-19 i dr. Štab je, između ostalog, razmotrio Informaciju o posljedicama kišnih padavina i poduzetim mjerama u maju i junu ove

godine, kao i aktuelnu situaciju u vezi sa stanjem u oblasti zaštite i spašavanja ljudi i imovine, koja zahtijeva kontinuiranu saradnju: građana, pravnih lica, Službe civilne zaštite i Štaba, te osiguranje potrebne opreme, o čemu se govorilo prilikom razmatranja Izvještaja o utrošku sredstava po osnovu posebne naknade za zaštitu i spašavanje od prirodnih i drugih nesreća za 2022. godinu na području općine Maglaj.

Članovi Štaba su upoznati da je u toku izrada Programa razvoja zaštite i spašavanje od prirodnih i drugih nesreća općine Maglaj za period od 2023-2028. godine, upozorenjem građanima pred požarnu sezonu i uklanjanju ambrozije, te o postupku formiranja Službe medicinske pomoći.



ŠEF TERENSKOG UREDA OSCE-A TRAVNIK POSJETIO OPĆINU MAGLAJ



Danas je Igor Nedera, šef Terenskog ureda OSCE-a Travnik, bio u radnoj posjeti Općini Maglaj i sastao se sa Mirsadom Mahmutagićem, Općinskim načelnikom Maglaj i saradnicima.

Razgovarali su o saradnji Općine Maglaj sa Vladom Zeničko-dobojskog kantona, aktuelnim projektima u oblasti: infrastrukture, obrazovanja, kulture i sporta. Također, pomenuti su i projekti koji bi se mogli realizirati u budućem periodu na području općine Maglaj.

INFO AUGUST 2023.

OPĆINSKI NAČELNIK MAGLAJ POTPISAO TRI UGOVORA SA FEDERALNIM MINISTARSTVOM KULTURE I SPORTA

Mirsad Mahmutagić, Općinski načelnik Maglaj potpisao je tri ugovora sa Federalnim ministarstvom kulture i sporta:

1. Rekonstrukcija i opremanje Gradskog stadiona u Maglaju
2. Sufinansiranje programa/projekta 51. Internacionalni festival Studentsko ljeto Maglaj 2023.
3. Projekat sanacije zidina i unutrašnjosti Tvrđave Maglaj



VLADA ZDK ODOBRILO PROJEKTE ZA UNAPREĐENJE RADA OBRAZOVNIH USTANOVA

Vlada Zeničko-dobojskog kantona uz aktivnu podršku Mirsada Mahmutagića, Općinskog načelnika Maglaj i administracije Općine Maglaj, odobrila je projekte koji će unaprijediti uvjete rada u obrazovnim ustanovama:

- uređivanje dvorišta „Prve osnovne škole“ (19.000 KM)
- sanacija krova školskih radionica „Mješovite srednje škole Maglaj“ (57.600 KM)
- rekonstrukcija grijanja u JU Gimnazija "Edhem Mulabdić" (41.000 KM)

Općinski načelnik Maglaj posebno ističe odobrena sredstva za prvu fazu izgradnje školske dvorane Mješovite srednje škole i Gimnazije, čime će biti riješen dugogodišnji problem, održavanje nastave tjelesnog i zdravstvenog odgoja, kao i učešće u sportskim aktivnostima.



FESTIVALSKE VEČERI 51. STUDENTSKOG LJETA PLANIRANE 8. i 9. SEPTEMBRA



Festivalske večeri narodne i zabavne večeri 51. "Studentskog ljeta",

održat će se 8. i 9. septembra 2023. godine u Sportskoj dvorani Maglaj.

Ove godine okupit će se učesnici iz sedam zemalja, a preko trideset učesnika će obje večeri nastupiti na sceni uz pratnju orkestra prof. Amira Muharemovića.

Za novih 50!



www.facebook.com/studentskoljeto

www.instagram.com/studentskoljeto

www.tiktok.com/@studentskoljeto

www.youtube.com/@studentskoljeto



U periodu juli-august 2023. godine
na prigodan način upućene su čestitke povodom:

- * Nove hidžretske godine
- * Dana ustanka naroda i narodnosti Bosne i Hercegovine